

# GrCF2 W2 –Vodovod Banja Luka – Faza 1

Država:	BOSNA i HERCEGOVINA
Broj projekta:	51214
Poslovni sektor:	Infra Evropa
Vrsta:	Javni sektor
Okolinska kategorija:	B
Planirani datum Upravnog odbora:	03.09.2019
Status:	potpisan
Datum objavljivanja PSD-a na engleskom jeziku:	20.09.2019

## Opis projekta

Obezbjedenje komercijalnog kredita gradu Banja Luka („Grad“) za obnovu i proširenje postojećeg vodovodnog sistema u Banja Luci („Projekt“).

## Ciljevi projekta

Pomoći preduzeću Vodovod Banja Luka („Vodovod a.d. Banja Luka“ ili „Preduzeće“) da: (i) poboljša rezultate poslovanja smanjenjem troškova, (ii) smanji potrošnju električne energije i (iii) obezbijedi pouzdano snabdijevanje vodom za svoje klijente.

## Tranzicijski uticaj

Dobar

Očekivani tranzicijski uticaj uključuje: (i) poboljšanje kvaliteta i pouzdanosti vodosnabdijevanja i (ii) poboljšanje finansijske održivosti i operativne efikasnosti preduzeća zaključivanjem ugovora o javnim uslugama („PSC“) između grada i preduzeća.

## Informacije o klijentu

GRAD BANJA LUKA

Grad je ekonomski, finansijski, politički i administrativni centar Republike Srpske („RS“), jednog od dva entiteta u Bosni i Hercegovini („BiH“). Grad ima 199.191 stanovnika (prema rezultatima popisa iz 2013 godine).

## EBRD financiranje

EUR 4.000.000

## Ukupni troškovi projekta

EUR 4.000.000

## Okolinski i socijalni sažetak

Kategorija B (ESP 2014). Faza 1 Projekta će, obnovom i proširenjem postojeće vodovodne infrastrukture u Gradu, poboljšati kvalitet, sigurnost i pouzdanost snabdijevanja pitkom vodom za 10.380 korisnika od čega je 6.850 novih korisnika.

Vanjski konsultanti su izvršili nezavisnu Okolinsku i socijalnu dubinsku analizu („ESDD“) u sklopu Studije izvodljivosti za Projekt i potvrdili da će kvalitet pitke vode koja će biti obezbijedena prema Planu prioritetnih investicija („PIP“) zadovoljavati relevantne domaće i EU zahtjeve.

Preduzeće ima certifikat ISO 14001 za sistem upravljanja zaštitom okoline i također HACCP certifikat za proizvodnju i distribuciju vode, i poredi svoje prakse sa drugim vodovodima u porječju rijeke Dunav. Međutim, Preduzeće još uvijek nema uspostavljen sistem upravljanja za zaštitu zdravlja i sigurnosti na radu („OHS“) i treba da poboljša svoje OHS prakse. Preduzeće ima 365 zaposlenih, od čega su preko 25% žene, a postojeće politike i procedure ljudskih resursa („HR“) uglavnom su usklađene sa PR2. Postoji osoblje koje je zaduženo za upravljanje zaštitom okoline i OHS upravljanje, a Preduzeće trenutno ima sve potrebne dozvole za rad. Preduzeće provodi aktivnosti angažiranja zainteresovanih aktera, uključujući mehanizam za podnošenje žalbi, u vezi sa planiranjem i izgradnjom svoje infrastrukture.

Eksterna ESDD nije utvrdila postojanje bilo kakvih značajnih negativnih uticaja, a svi uticaji će uglavnom biti rezultat građevinskih radova, biće ograničeni, a ublažice se ili spriječiti kroz poštivanje dobre EHS građevinske prakse. Novi cjevovodi će najvećim dijelom trase slijediti postojeće puteve. ESDD je potvrdila da komponente PIP-a neće negativno uticati na osjetljiva područja niti na zaštićena prirodna područja. Ipak će se, nakon završetka projektne dokumentacije i konačnog određivanja rute za mrežu, uraditi preventivne mjere na očuvanju bioraznolikosti uključujući procjenu bioraznolikosti prije izgradnje.

Za Projekt neće biti potrebno nedobrovoljno preseljenje stanovništva i neće biti negativnih uticaja na zgrade. Okvir za otkup zemljišta i preseljenje („LARF“), uključujući matricu kompenzacija koja obuhvata sve kategorije osoba pod uticajem projekta („PAP“) je pripremljen u skladu sa PR5 i na osnovu LARF-a će biti pripremljen detaljni LARP. Također je za Projekt pripremljen Plan uključivanja zainteresovanih aktera („SEP“), uključujući žalbeni mehanizam.

Akcioni plan za zaštitu okoline i socijalna pitanja („ESAP“) je pripremljen i preliminarno dogovoren sa Preduzećem i Gradom, za ublažavanje utvrđenih E&S pitanja i uticaja i

da bi se operacije Preduzeća uskladile sa EBRD-vim PR-ovima. ESAP između ostalog uključuje mjere koje Preduzeće treba poduzeti da: (i) obezbijedi završetak svih dodatnih studija zaštite okoline i/ili bioraznolikosti koje kompetentne ekološke vlasti mogu tražiti za komponente projekta u svrhu dobijanja relevantnih ekoloških i građevinskih dozvola; (ii) uključi u ugovore sa izvođačima obavezu za pripremu i provođenje plana upravljanja EHS-om za građevinske radove i primjenu dobre radne prakse tokom građevinskih radova; (iii) pravovremeno obavijesti sve stanovnike o očekivanim građevinskim uticajima i predviđenim mjerama ublažavanja; (iv) završi i objavi LARF i SEP, uključujući mehanizam za podnošenje žalbi; (v) na bazi LARF-a pripremi i implementira detaljni LARP; (vi) pripremi i implementira sistem upravljanja OHS-om. Preduzeće će implementirati korektivni ESAP, a Banka će pratiti projekt putem analize Godišnjih izvještaja o zaštiti okoline i socijalnim pitanjima („AESR“) i po potrebi kroz posjete lokacijama.

## Tehnička saradnja

Projekt obuhvata sljedeće programe tehničke pomoći:

- (i) Tehnička dubinska analiza i dubinska analiza sa aspekta zaštite okoline i socijalnih pitanja
- (ii) Podrška za proces rane nabavke
- (iii) Podrška za implementaciju Projekta
- (iv) Program poboljšanja finansijskih i operativnih rezultata („FOPIP“)

## Kontakti Preduzeća

Siniša Kurteš

[kabinet.gradonacelnika@banjaluka.rs.ba](mailto:kabinet.gradonacelnika@banjaluka.rs.ba)

00387 51 244 444

00387 51 212 526

[www.banjaluka.rs.ba](http://www.banjaluka.rs.ba)

Trg srpskih vladara 1, 78000 Banja Luka, Bosna i Hercegovina

## Poslovna saradnja

Za poslovnu saradnju ili nabavku, kontaktirajte klijenta.

Za projekte u javnom sektoru, posjetite stranicu [EBRD nabavka](#): Tel: +44 20 7338 6794

Email: [procurement@ebrd.com](mailto:procurement@ebrd.com)

## Opće informacije

EBRD informacije o projektu koje se ne odnose na nabavku:

Tel: +44 20 7338 7168;

Email: [projectenquiries@ebrd.com](mailto:projectenquiries@ebrd.com)

## Politika javnog informiranja (PIP)

PIP utvrđuje kako EBRD iznosi u javnost informacije i kako se konsultira sa zainteresiranim stranama da bi promovirala bolju informiranost i razumijevanje njenih strategija, politika i projekata. Posjetite stranicu Politike javnog informiranja da saznate kako možete tražiti izvještaj Upravnog odbora za projekt u javnom sektoru.

[Tekst PIP-a](#)

## Mehanizam za podnošenje žalbi u vezi sa projektom (PCM)

[Mehanizam za podnošenje žalbi u vezi sa projektom](#) (PCM) je EBRD-ov mehanizam odgovornosti. On pruža mogućnost nezavisnog razmatranja žalbi koje dostave pojedinci ili organizacije, u vezi sa projektima koje EBRD financira, a koji su navodno izazvali ili mogu izazvati okolinsku i/ili društvenu štetu.

Posjetite stranicu [Mehanizma za podnošenje žalbi u vezi sa projektom](#) gdje ćete naći informacije kako možete dostaviti žalbu. PCM službenik ([pcm@ebrd.com](mailto:pcm@ebrd.com)) je na raspolaganju da odgovori na sva pitanja koja možete imati u vezi sa podnošenjem žalbe i kriterijima za registriranje i prihvatljivost žalbi, u skladu sa [Pravilima procedure za PCM](#).